

Itilleq, 5. februar 2015

Inatsisartut suleriaasianni § 37 imm. 1 naapertorlugu matumuuna Naalackersuisunut apeqquq imaattoq saqqummiuppara:

Naalackersuisunut apeqquq:

- 1. Qaqugu uuliap akia appartinneqarniarpa?**
- 2. Qanorlu annertutigisumik appaasoqarniarpa?**
- 3. Uuliap akianik appaanermi arlaatigut nioqqutissanik soorlu aalisarnermut atortunik, piniarnermut atortunik allanilluunniit nioqqutissanik akisunerulersitsisoqassua?**

(Inatsisartunut Ilaasortaq Hans Enoksen, Partii Naleraq)

Tungavilersuut:

Naalackersuisooqatigiit isumaqatigiissutaanni uuliap akiata appartinneqarnissaa pillugu ima isumaqatigiissuteqartoqarpoq,

Issuaaneq aallartippoq:

“Uuliap akia appartinneqassaaq ingerlatseqatigiiffissuarmi KNI A/S-mi sinneqartoorutissatut siunertarineqartut appasinnerulersinnerisigut.”

Issuaaneq naavoq.

Naalackersuisooqatigiit isumaqatigiissutaanni ersarilluinnartumik allaqqavoq uuliap akia appartinneqassasoq, taamaammallu aamma uagut Partii Naleqqaminngaanniit paasissallugu soqutigaarput uuliamik appaanissaq qaqugu pissanersoq aammalu qanoq annertutigisumik aappaasoqassanersoq.

Uuliamik appaaniermermi sinneqartoorutit ikilisinneqassappata qularnanngitsumik aalisarnermut atortut, nioqqutissat allat minnerunngitsumillu nunaqarfinni inuussutissat tuniniarneqartartut Pilersuisumi nioqqutigineqartut akisunerulernissaat naatsorsuutigineqarsinnaalissaq Partii Naleqqamiit takorloorparput.

Tamatumalu aamma kingunerisinnaavaa sullissinerup annikillisaaffigineqarnissaa, immaqalu sulisut ikilisarneqarnissaat. Tamakkulu pinngitsoorneqassappata immikkut Pilersuisumut

sullissinermut isumaqatigiissutinik nutarterisoqarnissaa saneqqunneqarsinnaanaviangilaq,
tamannalu qanoq akeqassava?

Erseqqissaassutigissuarput uagut Partii Naleqqamiit aamma kissaatigigatsigu uuliap akiata
appartinneqarnissaa, unaliuna orniginngikkipput uuliap akiata appartinneqarnerani
nioqqutissat allat akittoratarsinnaaneri.